



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Compendium Totius Tractatus De S. Matrimonij  
Sacramento R. P. Thomæ Sanches E Soc. Iesv**

**Sánchez, Tomás**

**Coloniæ Agrippinæ, 1624**

I. Episcopus.

**urn:nbn:de:hbz:466:1-41559**

## Episcopus.

1 **E**piscopus potest in sua diœcesi, quod potest Pontifex in toto orbe, nisi specialiter reseruetur. Vnde non potest dispensare in sponsalibus, *l. 1. disp. 51. n. 3.* Nec in impedimento, cuius est obtrita dispensatio bonâ fide, & in separatione datur magnū scâdolum, sed tantum dissimulare, *l. 2. disp. 38. nu. 12.*

2 Episcopus potest dispensare, quando delictum est deductum ad forum contētiosum, & falsâ informatione, aut probatione, aut probationis defectu reus absolutus est. Concil. enim intelligitur quando illa deductio habuit effectum, *lib. 2. disp. 37. nu. 12.*

3 Episcopus potest dispensare in impedimentis matrimonium dirimentibus post matrimonium contractum in casu magnæ necessitatis, quando impedimentum est occultum matrimonium publicum; & est scandalum in separatione, & difficilis aditus ad Pontificem propter inopiam, interueniente bonâ fide, & tem ex parte vnius contrahentis, quâuis sollicitudines neglectæ sint, aut relictæ ex Ordinarij dispensatione; & sint diuites, existente Roma longissimâ, & instante periculo incontinentiæ, licet sint duo impedimenta occulta. Secus dicendum, quando in his omnibus casibus est facilis recursus ad Nuntium Apostolicū habentem potestatem ad dispensandum, *lib. 2. disp. 40. nu. 2. vsque ad 8.*

4 Episcopus potest aliquando dispensare in impedimento matrimonij dirimenti, antequam matrimonium contrahatur, quando urgentissima necessitas id postulat, v.g. si accedat mulier manè factura, & reperiat impedimentum dirimens, cuius detectio magnā infamiam, notabilemque produceret; & sunt omnia iam parata ad nuptias vespere celebrandas, & tentatis omnibus medijs nulla datur evadendi via, sed orietur suscipio vehemens alicuius criminis detecti in confessione, si foramina se absteineat à nuptijs, aut differat, dum obtinetur Pontificis dispensatio. Medium tamen, quod potest dari ad desistendum ab illo contractu matrimonij absque infamia, est votum foeminam castitatem ad tempus, v.g. per mensem, consulente confessario, & dicere cōsanguineis, se vouisse castitatem, iussuq; sibi esse à confessario, vt à nuptijs absteineat, donec impetretur dispensatio, non explicando votum fuisse ad tempus. Et si non sufficiet, tūc Episcopus potest dispensare in impedimento, *lib. 2. disp. 40. nu. 7.*

5 Episcopi potestas ad dispensandū in impedimentis occultis, est solum in foro interiori. Dicitur autem occultum, quando publice non constat, nec facile constare potest, periculumque non est, vt in foro externo detegatur, *lib. 2. disp. 40. nu. 10. §. II.* Item potest delegare hanc potestatem, quamuis ex privilegio competat dignitati; nisi sit momenti,

vt conferre beneficia, *lib. 2. disp. 40. à nu. 13.* vñ que ad 17. Idem dicendum de omnibus casibus, qui solum ratione necessitatis competunt. *ibid.*

6. Episcopus potest dispensare in lege Pontificia, vel Concil. in casu vrgentis necessitatis, non patente aditu ad Pontificem, *li. 2. disp. 40. nu. 3.*

7. Episcopus potest dispensare in voto castitatis ad contrahendum matrimonium, vrgente magnâ necessitate, quando non potest consuli Pontifex, & adest periculum incontinentiæ in mora, &c. *lib. 2. disp. 40. nu. 7.*

8. Episcopus non tenetur alere clericum, quem bonâ fide absque vero patrimonio initiavit, vel quando postea casu perijt, *lib. 6. disp. 32. nu. 7. & 8.*

9. Episcopatus non dirimit matrimonium iure naturali, nec diuino, sed solum Ecclesiastico, ratione voti castitatis annexi. Vnde Episcopus confirmatus, & nõdum promotus ad sacros ordines, potest transire ad nuptias. *lib. 7. di. 28. nu. 13.* Item castitas est annexa Episcopatu de iure Ecclesiastico, ratione ordinis sacri, *lib. 7. disp. 27. nu. 7.*

10. Episcopus non potest in sua diœcesi impedimenta matrimonij statuere, attentâ reformatione, *lib. 7. disp. 1. nu. 9.*

11. Episcopus non peccat, conferens ordines minores, aut primam tonsuram, nõ habenti intentionem vltterius ascendendi. Laude tamẽ dignus est ille, qui non vult conferre illos

pueris,

pueris, nisi ipsi adulti sint, aliàs eorum parentes iurent, bona intentione ascendendi postea ad ordines sacros, se velle ordines minores, aut primam tonsuram, *lib. 7. disput. 31. num. 18. & 19.*

12 Episcopus potest cogere exemptos impediētes reuocationem coniugis ex suo monasterio, sed non cum censuris, suspensione, vel interdicto, quando habeant tale priuilegium, *lib. 7. disp. 33. n. 21. 22. & 23.*

13 Vt coniugatus possit fieri Episcopus, sepe est necessaria professio vxoris in religione, & non sufficit esse vetulam, & cum castitatis voto in sæculo manere, *lib. 7. disp. 4. num. 1. 2. & 3.*

14 Episcopus, cum quo dispensatur, vt cōsecrationem differat, potest retinere beneficia, *lib. 8. disp. 1. num. 24.*

15 Episcopus tanquam delegatus procedit, quando in Trid. vel alibi committitur aliquid ipsi tanquam Sedis Apostolicæ delegato; vel idem dicitur, auctoritate nostra dispensa, *lib. 8. disp. 2. num. 10.*

Error.

1 Error differt ab ignorantia, quatenus desiderat semper aliquam præuiam cognitionē; ignorantia verò minimè. Sed vtrumque dirimit matrimonium, & non potest contingere error personę absque aliqua illius personę notitia ex visu, aut saltem auditu, & fama, *lib. 7. disp. 18. num. 1. & 2.* Qui dirimit matrimonium

K 4

iure